

Cerîde-i Mehâkim

1290

Sayfa

1

Sene

1289

Nisan / Rumi

9



Pazartesi



Sene

1290

Safer

23

Numara

1

İşbu gazete ilerde haftada iki defa çıkarılmak üzere şimdilik beher hafta pazartesi günleri çıkar

Seneliği bir Osmanlı yüzlük altınına ve beher nüshası şimdilik ikişer kuruşa olarak her yerde satılır

Seneliğine müşteri olmak isteyenler Mekteb-i Sanâyi Müdürlüğüne müracaat etmelidir

olsun. İşte hükûmet ve hâkim ve mahkeme ve nizam ve kanun ve adalet hep bu esastan çıkmıştır.

İbtida-yı hilkat-i beni âdemde yeryüzü yalnız üç şahsa ikâmetgâh iken bile dava ve muhakeme ve hükümet zuhura geldi. Hâbil ve Kabil'in huzur-u Hazret-i Âdem'de muhakemeleri malûmdur. Fakat cemiyet-i beşeriyenin ve bilistilzam usul-ı medeniyetin terakki ve teessüsüyle münazaat-ı vakıanın bir kaide-i mazbuta ve âdile dairesinde faslına lüzum görünerek cihanın her ikliminde nice şeriatler, nice kanunlar ve bunların muhafazasıyla icra-yı ahkâmî maksadiyle şekl-i gûna günde nice hükümetler teessüs ve teşekkül etmiş ve hangi şeriat ve hükümet esasen adl u hakkaniyete ziyade mukarenet etti ise onun saye-i hükmünde müstazıl olan akvam en ziyade huzur ve ârâm ile imrar-ı ömür ve eyyam etmişlerdir. Bundan sabit olur ki her hükümet ve devletin mebni-i aleyhi kaziye-i hükm ü adalet ve her kavmin saadet ve selâmetine ancak tabi olduğu hükümet-i âdile vasıta ve âlettir.



Mukaddime



Herkes hakkına razı olsa âlemde dava ve niza kalmaz ve insan için hâkime, mahkemeye ihtiyaç olmazdı. Lâkin insan, hırs u tama ve ucb u gazab gibi bir çok hasail-i nefsaniyye ile meftûr olduğundan beynelbeşer muhakeme ve muhasama tabiiyulvukudur.

İki hasımdan her biri müddeasında ya kendini haklı zu'm eder, veyahut haklı olmadığını bildiği halde hasail-i nefsaniyesi sevkiyle hasmına galebe tarikini bulmağa çalışır. Bir zayıfı bir kavî darp ya malını gasbetse, binnefs mukabeleden âciz olan zayıf ne yapsın? Bir âcizenin zevcini bir zalim cerh veya katletse, bizzat istifa-yı hakka iktidarı olmayan kadın ne işlesin? Bu halde, hasmeynin ikisinden de akva bir kuvvet-i âliye ve galibe lâzımdır ki onun hüküm ve kararı ve kuvvet ve iktidarı ile mazlûmun hakkı zalimden alınsın ve istifa-yı hukukta zayıf ve kavî müsavi

edilecek ilâmat-ı mütalâasiyle ibarat-ı nizamîyenin mehakımce ne türlü şerh ve tefsir olunduğu dahı anlaşılabacağından ve çünkü gerek Divan-ı Ahkâm-ı Adliye Nezaretinin ve gerek onun idaresinde teşkil kılınan devair ve mehakım-ı nizamîyenin suret-ı tesis ve muamelâtına ve vezâfine müteallık tanzim olunan nizamât eğerki matbuat vasıtasıyla biddefeat neşr ü ilân kılınmış ise de bunlar muhtelif tarihlerle müteferrikan tab' ve ilân olunmakla ve nizamât-ı mezkûreye müteferri muahharen ittihaz ve icra kılınan bazı usul ve tadilât dahı henüz neşredilmemekle bunların cümlesi bir yerde topluca bulundurulmak ve hın-ı iktizada müracaat edilmek üzere mezkûr gazetenin gerek burada ve gerek taşralarda bulunan cemî mehakım-ı nizamîyeye bilirsal oralarda numara tertibıyla kitap şeklinde hıfz ve teclit ettirilmesi mukarrer bulunduğundan ibtidakî nüshasından bed' ile beher nüshasına zikrolunan nizamât ve tadilâttan bir takımı derc olunacaktır. Bundan, hem mahkemelerce ve hem de mehakım hizmetinde bulunan ve bulunmak isteyen ketebe ve memurun ve dava vekillerince husule gelecek fevaid ve menafı ise müstağni-i beyandır.

 Temyiz-i Hukuk Dairesinden verilen 
 ilam suretidir 

Musul tüccarından Numan ile Musul'lu Yahya Bey beyinde olan davaya dair Divan-ı İstinafin 9 Rebiülahır 89 tarihiyle verdiği ilamın temyizini müstedi Numan'ın vekili Ohannes Mardirosyan tarafından it'a olunan 29 Rebiülahır 89 tarihli istida temyiz-i hukuk dairesine havale kılınmakla tarafeynin lâhiyalarıyla beraber mütalaa olundu.

Temyiz-i istida olunan ilamın hülâsa-ı münderecatı

Bir kavmin hukuku ne derece taht-ı emniyette bulunursa tarık-ı terakkı ve saadette o nisbetle ilerleyeceğinden ve her devletin kuvvet ve şan ve şevketi dahı zir-ı hükmünde bulunan ahali ve tebanın bulunduğu hal-ı huzur ve saadette muvazene edeceğinden bir devletin kıvam-ı hayatı için umur-ı maliye ve maarif gibi tadad olunan esbab-ı esasiye sırasında ahkâm-ı adliye birinci derecede sayılmağa şâyandır. Hukukun emniyeti ise hükûmet-i âdilenin icra-yı ahkâm-ı kavanın-ı mevzuada meşhud olan tesebbüt ve ikdamıyla muhakemat ve muamelât-ı nizamîyenin aleniyetine vabeste olup Tanzimat-ı Hayriyye usul-ı mehasin şümülünün esası dahı bu maksad-ı mühimme mübteni olduğundan ve Cenab-ı Hak, ömr ü şevket ve iclâlini ruz-efzûn buyursun. Velinimet-ı bîminnetimiz nüsha-i kübra-yı adalet ve merhamet Padişahımız Efendimiz Hazretlerinin aksa-yı himmat-ı mülûkâneleri cümle tebaa ve zir-ı destanın bilâ istisna nail-ı nimet-ı adl u dâd olması ve mehakım-ı müessesede kavanın ve nizamât-ı mevzua üzere herkesin istifay-ı hukuk-u meşrua eylemesi esbabının istikmaline matuf olarak teşkil buyurulan Mehakım-ı Nizamîye'de cereyan eden murafaat ve muhakemat, eğerki hasbelnizam suret-ı aleniyede icra olunmakta ise de bunlarda verilen hüküm ve kararın dahı bir vasıta-i neşriye ile pîş-i nazar-ı âmmeye konulması bir kat daha emniyet ve itimadı mucip olacağından Ahkâm-ı Adliye Nezaret-ı Celilesinin taht-ı tetkik ve idaresinde olarak işbu gazetenin tab u neşrine îrade-i Seniye-ı Cenab-ı Padişahî müteallık ve şerefsünuh ve sudur buyurulmuştur.

Bu vasıta ile Mehakım-ı Nizamîye'de deavı-ı hukukiye ile cünha ve cinayat maddelerinde kavanın ve nizamât-ı müesseseye ne derecelerde tatbık-ı hükm ü muamelât olduğu herkese malûm olacağından başka, ona derc

dermeyan edilen beyan binkırkbuçuk kuruşun noksan miktar üzere mevkufiyeti muahharen tebeyyün eder ise üst tarafı tahsil olunmak şartıyla meblağ-i mezburu dahi kabul ettiğini beyan ile altıyüzüç kuruşu mutazammın üç kıt'a senedi ve komisyonu kabul etmeyeceğini dermeyan etmiş ise de 21 Zilhicce 286 tarihli mektubu mucibince Süleyman nam kimseye bir miktar akçe havale vererek mezkur üç kıt'a senet dahi Süleyman'ın imzasıyla mümezzi olmasıyla meblağ-i mezburun mektub-u mezkure istinaden verilmiş olduğu gibi beynü't-tüccar bu mukavele-i havaleyi tahsil edenlere bu miktar komisyon verilmek kaide-i cariyeye ve mer'iyeden olarak binaenaleyh meblağ mebhûs-ün-anhadan dolayı yüzde üç komisyon i'tası ekseriyet-i ârâ ile tensip edilmiş olduğundan zikr olunan üç kalem teslimat ile Musul Mal Sandığı'na tevkif olunan binkırk kuruş ve yirmi para ve bir minval-i muharrer hesap edilen dokuzyüzotuzbir kuruş komisyona havale bedeliyle akçe farkı olan altıyüz kuruştan biltenzil mütebaki üçbinyüzaltmışdörtbuçuk kuruşun seksensekiz senesi haziranın onbeşine değin yirmibirbuçuk ilk faiz ve elli kuruş ceza-i nakdi ile Numan'dan bi't-tahsil Yahya Bey'e i'tasına ve dava masrafinin tarafeynden ahz edilmesine ve vaktiyle ifa-i deyn olmaz ise re's-ülmal olan üçbin şu kadar kuruşa başkaca faiz yürütülmesine karar verildiğini mübindir.

Lâyiha-i itiraziye'nin meaili dahi Yahya Bey'in Çerçis'i vekil eylediği vekalet senedi ve mir-i mumaleihin muharreratı münderecatıyla mütehakkık iken Divan-i İstinafca Numan'a vekil nazarıyla bakıldığını ve akce farkı denilen altıyüz kuruşun esası olmadığını ve ibraz olunan evrakın ceza-i nakdisi mahallince ifa olunmuşken bi't-tekrar

mumaleiyh Yahya Bey Musul Mal Sandığı'ndan matlubu olan otuzbeşbindörtüyüksekiz kuruşun senedatını Numan'a teslim tarafından merkûmu tevkil edildiği ve meblağ-i mezburun kâmilten tahsil olduğu beyanıyla matlûbunun mafaiz ve masarf tahsilini dava etmiş ve müddeialeiyh Numan'ın vekili Ohannes dahi mumaleiyh Yahya Bey meblağ-ı mezbûr-i istîfâya Numan'ın biraderi Çerçis'i tevkil edip fakat Numan'ın mührüyle mahtum mukavelename mucibince Çerçis imzasıyla her nezaman bir varaka götürülür ise havi olduğu akçenin tediye olunacağı ve Çerçis'in işarı icabınca Yahya Bey'in bazı mahallere havale eylediği akçe ifa olunduktan sonra dörtbin küsur kuruş alacağı kalıp yüzde yirmi komisyon dahi mahsub olunur ise Çerçis'in Yahya Bey'de alacağı zuhur edeceğini ve maamafih Yahya Bey'in fakruhali cihetiyle müvekkili ikibinbeşyüz kuruş vererek davanın sulhen faslına hazır bulunduğunu beyan etmiş ise de meblağ-i mezburun tahsiline asıl vekil Numan idüğü ve kamilen tahsil olup altıyüz kuruş akçe farkı dahi olduğu Yahya Bey'in teklif eylediği yemini kabul etmemesiyle ve Numan'ın mukaddemen vermiş olduğu layihesinde itiraf ve beyan eylemesiyle sabit olmuş olduğundan ve meblağ-i mezbura mukabil nakden ve havaleten ifa olduğu iddia olunan meblağa dair ibraz olunan senedat ve evraktan mumaleiyh Yahya Bey sekizbinyüz kuruşu şamil olan üç kıtasıyla nakten teslim edilen dörtyüz kuruşu kattiyen ve yirmibirbinyediyüzaltmışdokuz kuruşu hâvi bulunan dokuz kıtasında ve varakanın dahi herhangisine dair mükerrer senet zuhur eder ise itibar olunmamak üzere mahsubuna razı olduğunu ve aşar borcundan dolayı mal sandığından tevkif olduğu hasmı tarafından

ibraz olunan evrakın mahallince ceza-i nakdisi verilmiş iken bi't-tekrar Divan-ı İstinaftan ceza-yı nakdi alındığı ve bu husustan dolayı Çerçis'in yüzde yirmi komisyon mutalebe etmekte bulunduğu fıkârâtı olup mahallince öyle ceza-i nakdi verildiği evrak-ı resmiye ile ispat olunduğu takdirde Divan-ı İstinaftan alınan ceza-yı nakdiyi geri almaya Numan'ın hakkı olacağından ve Yahya Bey'in vekili olduğu derece-i evvelide yeminden istinkafıyla mütehakkık olmasıyla Çerçis'in dava etmekte olduğu yüzde yirmi komisyonun Yahya Bey'e cihet-i taaluku olamayacağından işbu üçüncü ve dördüncü itirazlar dahi nukzi mucib-i esbab-ı kanuniyeden görülememiş olduğu gibi Divan-ı İstinafca yapılan hesapta beş kıt'a mektup dört kıt'a gösterilerek bu cihetle ikiyüz kuruş sehv vuku bulduğuna ve ücret-i tahsiliyenin mecmuu bin şu kadar kuruş iken sehven dokuzyüzotuzbir kuruş gösterildiğine dair olan beşinci ve altıncı itiraz dahi sehv-i hesaptan ibaret olup esbab-ı nukziyeden olmamakla beraber öyle bir sehv var ise tashih olunmak üzere ilam-ı mezbur Ticaret Nezaret-i celilesine gönderilerek cevaben varid olan Divan-ı İstinaf mezkuresinden 5 Rebiyyülahir sene 87 tarihli ikiyüz kuruşluk bir kıt'a sened bedelinin ilamın fırka-i hesabiyesine ilave olunduğu ve komisyon mecmuu havale üzerine yürütülmeyip tahsil kılınan mebaliğ için hesap edilmiş olduğundan bunun noksanı olmadığı gösterilerek bu itirazların dahi hükmü kalmamış ve dörtbin kuruşa karib masraf vuku bulduğu iddiasının Divan-ı İstinaftaki lahiyede münderic olduğuna mütedair olan yedinci itirazın tetkiki zımında layihe-i mezkure dahi celb ve mütalaa olundukta iddia olunduğu gibi dörtbin kuruşa karib masraf vukuuna dair

Numan'dan altıyüzotuzbir kuruş ceza-yı nakdi alınmış ve bu misüllü ceza-yı nakdi tarafeyne ait olmasıyla bunun dahi nizamına tevfik-i lazimedden bulunmuş olduğunu ve Divan-ı İstinafca yapılan hesapta beş kıt'a mektup dört kıt'a gösterilerek bu cihetle ikiyüz kuruş sehv vuk'u bulduğunu ve Çerçis yüzde yirmi komisyon dava etmekte olduğunu ve Divan-ı İstinafca tensip olunan yüzde üç komisyonun mecmuu binelli kuruş iken bunun dahi sehven dokuzyüzotuzbir kuruş gösterilmiş idüğünü ve bir de paranın tahsili zımında dörtbin kuruşa karib mesarif vuku bulduğunu mebnidir.

Cevap lâhiyasının netice-i medlûli dahi Numan'ın vekili olduğunu derece-i evvelide yeminden vuk'u-i istinkafıyla mütehakkık bulunduğu ve merkur vekaleti bilâivaz kabul etmiş ve muahharren dahi komisyonculuk namıyla bir miktar akçe almış iken yine ısrar ederek layihe-i itiraziye mantûkî vecihle iddiada bulunması mahz-u kenduyi ızzar maksadına mübteni idüğü ifadatını mütezammındır.

Tarafeyn 17 Zilhicce sene 89 tarihinde bir kaide-i daireye celb ve isticvap edildikte her biri lahiyesinde münderic makalatını tekrar ve fakat vekil-i merkur lahiye-i itiraziyesindeki masraf davasını Divan-ı İstinafa vermiş olduğu lahiyede dahi ityân eylediği ilavet-i tezkâr etmiştir.

Keyfiyet-i lede-l-müzakere müddeâ Numan'ın vekili merkur Ohannes'in layihesinde muharrer itirazatından birinci ve ikincisi Yahya Bey'in vekili Çerçis bulunduğu ve akçe farkı denilen altıyüz kuruşun aslı olmadığı hususatı ise de bunlardan dolayı Yahya Bey'in derece-i evvelide teklif edildiği yeminden Numan'ın istinkaf etmiş olmasına mebni mezkur birinci ve ikinci itirazın tetkikine mahal kalmamış ve üçüncü ve dördüncü itirazları

dair Vilayet-i müşarünileyhanın diğer tahriratıyla beraber Muhakemat-ı Cezaiye Dairesinde mütaala olundu.

Evrak-ı merkume mündericatında merkum Fakih Ali'nin hanesinde kalb akçe darb ve istimal eylediği istihbar olunması ve hanesi taharri olundukta alet ve ecza ve kalb altılık ve beşlik ve nihâs kırk paralık ile Tunus riyali ve bakır parçaları zuhur etmesi üzerine tetkikat-ı istintakiyeye ledel-ibtidâr merkum Fakih Ali Muhammed bin Ali El-Cinni ve Abdulkadir el-Suud nam kimseler ile beraber kalb sikke imal ettiklerini ikrar eylediği halde merkumun Muhamemd bin Ali El-Cinni ve Abdulkadir bu babda müdahillerini ve Fakih Ali'nin hanesine gelip gittiklerini inkar eylemeleri üzerine merkum Fakih Ali tahvil-i lisanla merkumen Muhammed bin Ali El-Cinni ve Abdulkadir ile zaten muarefesi olmadığı halde bir gün kendisine gelerek ilac imal eylemek üzere kendi hanesinde vaki mahzenin kendilerine ic'arına talip olduklarından kendisi dahi mezkur mahzeni yirmi kuruşa bunlara icar eylemiş olduğunu ve sonra merkumanın kendi hanesine gelip gittiklerini Abdülmecid ve Miftah ve Hüseyin ve Beşir ve Afbel ve diğer Miftah nam beş nefer kimselerle ispata muktedir olduğunu ve fakat merkumanın mezkur mahzende ne yapacaklarından malumat almadığını ifadeyle bu babda müdahilini ve ifade-i sabıkasını inkar eylemiş ise de esamiyesini ta'dad eylediği eşhâs-ı merkume merkuman Muhammed bin Ali El-Cinni ve Abdulkadir'in hane-yi mezkure gittiklerini görmedikleri gibi bunlar kendilerinin tanıdıkları adam dahi olmadığını maa-l-kısım beyan eylemelerine ve kaza-i mezkur müftüsü Mehmed Buhçez (?) ve Aza-yı Meclisten Hacı Mahcub efendiler dahi merkum Fakih Ali'nin Meclis-i Dava-i Kazada o suretle sebk eden ikrarını ihbar etmelerine ve askeri-i zabtiyeden Abdurrahman ve Abd

kat'en işaret bulunmadığından bu itiraz dahi biesas görünmüş olmasıyla ilam-ı mezbur bit-tasdik hükmünün icrasına ve bir minvâl-i muharrer ilave edilmiş olan ikiyüz kuruşun icra-yı cemiyetinde olan ilama ilave edilmesine ve bir de merkum Numan'ın Divanı-ı İstinafa ibraz edip mir-i mûmâileyhen kabul eylediği bir takım senedatin nisbetinden dûn-i varakaya yazılmış olmaktan nâşî altıyüz kuruş ceza-i nakdi alındığı minfehm olmuş ve bu mukavele ceza-yı nakdi tarafeyn-i muhasıme-yne münâsafeten ait bulunmuş olduğundan mârr-üz zikr ceza-i nakdiyenin mecmuu Numan'dan alınmış ise Divan-ı İstinaf ilam-ı hükmünün hîn-i icrasında Yahya Bey'e ait olan nisf-ı ceza-yı nakdi-yi mezkurun dahi cemiyet-i mezkurece mahsup kılınıp Yahya Bey'in dahi işbu senedatdan ahir imzasıyla mümzi bulunanların ceza-yı nakdi hissesi için imza sahiplerine müracaat selâhiyeti olmasına ve ilam ve tebliğ harcı olan otuzaltı kuruş onbeş para ile üç adet beyaz mecdiyyenin Numan'a müracaat etmek üzere Yahya Bey'den alınmasına karar verilerek keyfiyet-i tarafeyne tefhîm olundu.



Muhakemat-ı Cezaiye Dairesinden



Verilen Mazbata Suretidir



Hums sancağında vaki Zulteyn kazasına tabii Cum'a karyesi sakinlerinden olup kalb akçe darb ve isti'mal etmiş olan fakîh-i ali bin barke-i Şuşa hakkında icra kılınan tahkikat-ı nizamiyeye dair Trablusgarp vilayetinin Divan-ı Ahkam-ı Adliyeye havale buyurulan 15 Rebiyülahir 89 tarihli ve üç numaralı tahriratıyla Divan-ı Temyiz-i Vilayetden musaddık meclis-i temyiz-i liva ve meclisi-i kazanın Arabiyy'ül-İbâre mazbataları ve istintaknâme ve tercümeleri kalb akçe ve alet ve edavatın bir sandığa mevzû'en kondurulduğuna

ve kaydına işaret olunmak üzere tarihi-i hapsinin bu tarafa işarı ve bimedhal oldukları anlaşılan merkumân Muhammed bin Ali El-Cinni ve Abdulkadir'in dahi kayd-ı kefaletten çıkarılması hususlarının Vilayet-i müşârün-ileyhaya emr ve iş'ar buyurulması ve kalb akçe ve alet ve edavat dahi emsali vechile hıfz olunmak üzere Hazine-i Hassa-i Nezaret-i celilesine gönderilmesine karar verildi.



Muhakemat-ı Cezaiye Dairesinden
verilen mazbata suretidir

Manastır Sancağında vâki Nikos kazasına tabi Kavadar karyesinde kalb akçe imal eyleyen Köprülü kazasına muzâf Koçiler karyeli Aşık Raşid ile mezbur Kavadar karyeli Süleyman Ağazade Ahmet Bey haklarında icra kılınan tedkikat-ı nizamiyeyi mutazammın Selanik vilayetinin divan-ı ahkam-ı adliyeye varid olan 18 Safer sene 289 tarihli ve onbeş numaralı tahrirat cevabiyesiyle divan-ı temyiz-i vilayet ve meclis-i temyiz-i liva ve meclis-i dava-i kaza mazbataları ve evrak-ı istintakiye Muhakemat-ı cezaiye dairesinde mütaala olundu.

Evrak-ı mezkure mündericâtından seksenaltı senesi temmuzunun sekizinci günü mumâileyh Ahmet Bey'in yedinde kalb mecidi çariki görülmesi ve mezkur mecidiyeyi Aşık Raşid'in imal ettiği istihbar kılınması üzerine tedkikat-ı istintakiyeye lede-ı ibtidar merkum Aşık Raşid bu babda medhalini inkar eylemiş ise de mirmûmâileyh merkum Aşık Raşid müsaferet tarikiyle akrabasından Hacı İsmail Ağa'nın hanesinde ikamet etmekte olduğu halde talim-i hüner ve marifet zımında kendisini bil'a gafil Resde nam çiftliklerine götürerek Petro nam kimsenin halı bulunan hanesinde

üsselam ve Abdulhafız dahi merkum Fakih Ali'nin hanesinde kalb akçe ve alet bulunduğunu haber vermelerine ve merkumân Muhammed bin Ali El-Cinni ve Abdulkadir evvel ve ahir inkarda bulunarak bunların hanelerinde kalb akçe ve alete dair bir şey bulunmadığı dahi tahkikat-ı vakadan anlaşılmasına nazaran merkum Fakih Alinin münferiden kalb akçe imalına ihtisar eylediği ve merkumân Muhammed bin Ali El-Cinni ve Abdulkadir'in bu babda bimedhal oldukları tahakkuk etmiş olduğundan bahisle merkum Fakih Ali'nin yüz kırk üçüncü madde-i kanuniyeye tevfikan on sene müddetle küreğe konulması istiş'ar ve merkumân Muhammed bin Ali El-Cinni ve Abdulkadir'in mükeffelen salıverildiği iş'ar olunmuştur.

Medlûl işara nazaran merkum Fakih Ali'nin hanesinde kalb akçe darb ve imal eylediği ihbar olunan ikrarı ve kalb akçe ve aletin hanesinde zuhur etmesi delaleti ile tebeyyün eylediğine ve zikr olunan yüz kırk üçüncü madde-i kanuniyede Devlet-i Aliyede tedavül-ü nizama makbul ve mukarrer olan altın ve gümüş meskûkâta takliden meskûkât-ı kat'a eden ve zikr olunan meskûkât-ı mükerrereden eğe ve zınba ve tîzâb veya sair alet ve tarik ile az çok altın ve gümüş ihrac ve ifraz ederek kıymetlerini tenkîs eyleyen ve bir sikkeyi daha kıymetli olan âher bir sikke yerine sürmek üzere onun renginde yaldızlayan ve o misillü kalb ve züyûf meskûkâtın memalik-i mahrusada tedavülüne ve yahud bilâd-ı ecnebiyeden gelip memalik-i hazret-i şahaneye duhûlune muayyen ve kalb sürücülüğüyle meşgul bulunan kimseler on seneden eksik olmamak üzere mevkuten küreğe konulur deyu muharrer bulunduğu binaen merkum Fakih Alinin bu hükme tevfikan ve tarih-i habsinden itibaren emr-i teşhiri ondokuzuncu maddde-i kanuniyede münderic usulle bad'el tevfik on sene müddetle Trablusgarb'ta küreğe konulması

ileyha bil'a gafil birlikte mahall-i mezkura götürerek kalb akçe imal etledikleri Ahmet Bey'in ikrarı ve Emaret-i meşruha dalaletle tabin edildiğine ve mezkur yüzkırküçüncü madde-i kanuniyede Devlet-i Aliyede tedavülü nizamen makbul ve mukarrer olan altın ve gümüş meskukata takliden meskukat-ı kat' eden kimse on seneden eksik olmamak üzere mevkuten küreğe konulur ve kırkinci madde-i kanuniyede hadd-i būluğa vasıl olmayan mücrim-i mürahik bulunduğu yani faal ve imalatın neticesi bir cürüm olacağını fark ve temyiz ederek mütemadiyen ol cürmü işlemiş olduğu surette eğer cürmü muvakkat gören veya muvakkat kalebentlik ya nefy-i muvakkat cezalarına mucib ceraimden ise islah-ı nefis için cürmünün müstelzim olduğu ceza müddetinin rub'undan nihayet sülüsü miktarı müddetten haps olunur ve beş seneden on seneye dek Zabtiye Nezareti altına alınır diye münderic bulunduğu mebni merhum Aşık Raşid'in hükm-i evvele tatbiken ve tarih-i hapsi olan seksenyedi senesi Rebiülahirinin onyedinci gününden itibaren emr-i teşhiri ondokuzuncu maddede münderic usule ba'deltevfik on sene müddetle Selanik'te küreğe konulması ve mumileyha Ahmet Bey'in dahi hükm-ü ahire tatbiken ve tarih-i mezkûreden itibaren ikibuçuk sene müddetle hapis olunarak beş sene müddetle dahi Zabtiye Nezareti altına alınması hususlarının vilayet-i müşarünileyhaya emr ve işar buyurulmasına karar verildi Oı babda emr ü fermân hazret-i men leh-ül-emrindir.



Muhakemat-ı Cezaiye Dairesinden
verilen mazbatanın suretidir

Kandiye şehri haricinde vaki Miskinlik mahalleli mütevevffa Arnebutaki Tahir'in yirmi beşinde kerimesi Nesibe'nin katili olan asakir-i zabtiye onbaşlarından mahalle-i

kırkbeş kadar beyaz mecrediye çariki imal edip kalıplarıyla kendisine vermekle alıp bir duvar dibine vaz' eylediğini muarrız-i ikrarda beyan eylesine ve Petro'nun oğlu Hristo dahi babası çiftte olduğu halde ekmek almak üzere dereden odalarına geldiğinde Ahmed Bey ile Aşık Raşid'i odada gördüğü halde ilaç yapmakta olduklarından bahisle kendisini def edip kapıyı kapattıklarını ve iki saat sonra bunlar odadan çıkıp gittiklerinde söndürülmüş ateş ve un gibi yere dökülmüş beyaz bir şey gördüğünü ve bakkal Hristo veledi Istoyan dahi Ahmed Bey ile Aşık Raşid'in gelip kendisinden bir kıyye alçı ile kırk paralık semmülfar aldıklarını ve fırıncı İstavri de merhumânın dükkanına gelip bir parça alçı pişirip bir beze sararak alıp götürdüklerini ve Tüfenkçi İbrahim'in karındaşı Hüseyin dahi Ahmed Bey'le Aşık Raşid'in dükkanına gelip teneke aldıklarını vicahen ihbar etmelerine ve Ahmed Bey'in beyan eylediği mahalde bir kısa derununda kırk adet kalb mecrediye çariki ile alet ve teneke ve alçı gibi şeylerin bulunmasına nazaran merhum Aşık Raşid'in inkarı vahi olarak mezkur mecrediye çarikilerini imal ettiği tahakkuk etmiş mirimumahileyhin hodbehod fiil-i mezkuru irtikaba ademi-i iktidarı hal ve kalandan istidlal olunması cihetle kendisinin Aşık Raşid tarafından bilagafil faal-i mezkurun icrasında birlikte bulundurduğu ve ceride-i nüfusa bilmüracaa mir-i merkumun henüz onbeş yaşında mürahak bulunduğu anlaşılmış olduğundan bahisle Aşık Raşid'in yüzkırküçüncü madde-i kanuniyeye tatbiken on sene müddetle küreğe konulması ve Ahmet Beyin dahi kırkinci madde mucibince ikibuçuk sene müddetle hapis olunması istiş'ar kılınmıştır.

Müfâd-ı iş'ara nazaran merhum Aşık Raşid'in mir-i muma

Mehmet onbaşı dahi Limeski nam mahalle kadar gidip avdet ettikten sonra kendileri mezkur tarlaya giderek orada merhum Çelebi bokrini izale ile civarda bulunan Lağima götürerek başını dizine vaz' ile seni öldüreceğim zira beni çok rencide eyledin diyerek kasaturasıyla cerh eylediğini beyan ve tezkâr etmesine ve merhum Mehmet onbaşı leyle-i mezkurede saat dört raddelerinde merhum Çelebi ile mezburenin birlikte gittiklerini görmüş ve aşinalık etmiş olduğunu ve bunların yekdiğerine muhabbeti olması cihetle hatırına su'i hal gelmediğini ve zevcesi dahi o gece Çelebi ile Nesibe hanesine gelerek talebi üzerine mezbureye bir çâr-şeb verdiğini ve ol sırada çelebi ile zevci Mehmet konuşmamış iseler de ne söylediklerini malumatı olmadığını ve mahalle-i mezkureli Vlizaki İsmail dahi Çelebi ile Mehmet onbaşının konuşmakta olduklarını gördüğünü ma'alhilaf ihbar etmelerine ve neferat-ı zabtiyeden Hüseyin leyle-i mezkurede hükmet konağı kapısında nöbetçi olduğu halde merhum Çelebi'nin saat sekiz raddelerinde hariçten konağa geldiğini ve neferat-ı merkumeden Abdulcemil dahi merhum çelebiyi vakt-i mezkurede elbisesiyle koğuşa girerken gördüğünü keزالik ma'alkısıım haber vermelerine ve mahalle-i mezbureli Finkato İbrahim dahi Nesibe'nin hanesi Çelebi'nin hanesinin karşısında olduğu cihetle vak'adan on gün evvel bunların yekdiğerine elleriyle işaret eylediklerini görmüş olduğunu ihbar ve Yenikapı mahalleli Fatime dahi leyle-i mezkûrede sokakta kim olduğunu fark ve teşhis edemediği adamlardan birisinin Resboyu gidip alacağım rıza göstermez ise öldüreceğim demiş olduğunu ifade edip bu sözü Emine nam hatun tarafından dahi tasdik ve tezkâr kılınmasına ve meclis-i temyiz azasından

(bakiyesi sonra)

mezkûreli Çelebi nam şahıs hakkında icra kılınan tedkikat-ı nizamiye ve mürafaa-yı şer'iyeyi şamil Girit vilayetinin divan-ı ahkam-ı adliye vürud eden 20 Safer 289 tarihli ve ellibir numaralı tahriratıyla divan-ı temyiz-i vilayetten musaddık meclis-i temyiz-i liva mazbatası ve ilam-ı şeri ve evrak istintakiye-i muhakemat-ı cezaiye dairesinde mütalaa olundu.

Evrak-ı nizamiye meallerinde seksen yedi senesi Rebiülevveliyenin ondördüncü gecesi mezbure Nesibe'yi komşularından zabtiye Hanbazaki Mehmet onbaşının zevcesi Reşide hanesine çağırıp vukubulan tavassut ve i'falleriyle merhum çelebi mezbureyi Ak Tabya nam mahallin haricinde vaki vakıf tarlaya götürerek bokrini izale ettikten sonra bıçak ile darb ve cerh eylediği iddia kılınması ve muayene ettiridikte mezbure Nesibe'nin henüz bekrinin izale kılındığı kabile tarafından ve boğazının etrafıyla sağ omuzu altında otuzüç adet cerh olarak kanın kesret cereyanıyla bir şey akıl edememesinden ve yaraların şişmesinden naşı kırksekiz saat mürûrunda vefat eylediği raporat ile tabib tarafından haber verilmesi üzerine tetkikat-ı istintakiyeye ledelibtidar merhum Çelebi leyle-i mezkûrede kal'a derununda bulunan hükümet konağında olduğunu ve mezbureyi henüz görmediği gibi don ve gömleğinde görünen kanın ayağında bulunan çibandan bulaştığını beyan ile fasîh-i mezkurede olan medhal ve malumatını külliye inkâr etmiş ise de mezbur Nesibe vefatından evvel şuuru yerinde iken merhum Çelebi ile evvelce vukubulan mükâlemeleri vechile leyle-ü mezkurede saat üç buçuk raddelerinde gelip kendisini kapının önünde bulmasıyla bi'lırza tebaiyyet etmiş ve Mehmet onbaşının zevcesi Reşide örtünmek üzere bir çâr-şeb vermiş olduğu gibi